



Sembunyi gambar telefon android

BAGAIMANAKAH cara untuk menyembunyikan gambar dalam telefon pintar Android?

- Muhammad, Leboh Aceh.

Kebiasaannya, sekiranya sesuatu peranti elektronik atau telefon pintar itu mempunyai konfigurasi privasi atau *privacy*, terdapat pilihan untuk menyembunyikan sesuatu fail seperti gambar atau video atau juga berada dalam mod rahsia.

Bagi sistem Android, secara umumnya tidak mempunyai fungsi ini tetapi sesetengah model telefon pintar android ini menyediakan kemudahan privasi ini seperti syarikat pengeluar telefon pintar LG dan Samsung. Namun begitu, boleh juga menggunakan aplikasi pihak ketiga untuk mendapatkan kemudahan konfigurasi tersebut.

TELEFON PINTAR ANDROID LG

● Pergi ke *Settings* > *Fingerprints & security* > *Content lock*.

● Pilih jenis penguncian yang hendak digunakan sama ada menggunakan kaedah *Pattern* atau *Password*. Boleh juga memilih fungsi pengesahan menggunakan kaedah *Fingerprints*.

● Seterusnya, pilih fail gambar atau video yang hendak disembunyikan.

● *Tap* ikon tiga titik di bahagian atas kanan skrin, pilih *More* > *Lock*. Ini juga boleh dilakukan kepada sejumlah fail atau *folder*.

● Untuk melihat gambar atau video tersebut kembali, *tap* ikon tiga titik di bahagian atas kanan skrin, pilih *Show locked files*. Masukkan keperluan pengesahan yang telah dikonfigurasi sebelum ini.

TELEFON PINTAR ANDROID SAMSUNG

● Pergi ke *Settings* > *Privacy and safety* > *Private mode*.

● Pilih menu *Private mode access type*. Pilih sistem pengesahan yang dikehendaki seperti *Pattern*, PIN atau *Password* atau bersama *Fingerprints* sebagai pilihan.

● Buka menu *Gallery* dan pilih gambar yang hendak disembunyikan.

● *Tap* ikon tiga titik di bahagian atas kanan skrin, pilih *More* > *Lock*. Ini juga boleh dilakukan kepada sejumlah fail atau *folder*.

● Untuk melihat gambar atau video tersebut kembali, *tap* ikon tiga titik di bahagian atas kanan skrin, pilih *Show locked files*. Masukkan keperluan pengesahan yang telah dikonfigurasi sebelum ini.

Bagi penggunaan aplikasi sembunyi gambar pihak ketiga, boleh memuat turun aplikasi seperti aplikasi *Vaulty*, *Keep Safe Vault* dan lain-lain.

Sekiranya fungsi automasi simpan salinan pendua ke storan awanan dihidupkan, gambar atau video akan dimuat naik secara automatik sebelum sempat ia disembunyikan.